

Aralin 1

Silang Magigiting



Pag-aralan Natin



Mina: Dali! Doon tayo!

Ana: Saan?

Mina: Sa harap ng monumento ni Rizal.

Ana: Sino siya?

Mina: Siya ang ating pambansang bayani. Dito siya binaril ng mga Español.



Andres Bonifacio
Ama ng Katipunan



Graciano Lopez Jaena
Patnugot ng La Solidaridad



Marcelo H. del Pilar



Diego Silang
Ilokanong Rebolusyunaryo



Lapu-lapu
Pinuno ng Mactan



Pag-usapan Natin

Ang mga bayaning Pilipino ay nanggaling sa iba't ibang lugar sa Pilipinas.

Sina Jose Rizal at
Andres Bonifacio ay
tubong Luzon.



Si Graciano Lopez
Jaena ay sa Jaro,
Iloilo.



Si Sultan Kudarat ay
taga-Cotabato,
Mindanao.



Si Lapu-lapu ay nagpa-
malas ng kabayanihan
sa Mactan.





Alamin Natin

Lita: Buti nga, sumama ako.

Mila: Lita, kay ganda ng parada!

Lita: Teka, bakit may parada?

Mila: Kasi anibersaryo ng pagkamatay ni Jose Rizal, ang ating pambansang bayani. Pinatay siya noong Disyembre 30, 1896.

Lita: Ah, kaya pala. E, ano pa ba ang maaari nating gawin para mapahalagahan natin sila?

Mila: Puwede tayong magdaos ng simpleng palatuntunan. Maaari rin tayong mag-alay ng misa. O kaya'y magdala ng bulaklak sa monumento nila.

Lita: Katulad ng ginawa noong isang buwan. Kaarawan daw ni Andres Bonifacio taong Nobyembre 30.






Subukin Natin

Isulat ang tamang sagot sa sagutang papel.

1. Ang mga bayaning taga-Luzon _____
2. Ang mga bayaning taga-Visayas _____
3. Ang mga bayaning taga-Mindanao _____
4. Ang petsa ng kapanganakan ni
Andres Bonifacio _____
5. Ang petsa ng pagkamatay ni Rizal _____



Tandaan Natin





Mayroon tayong mga pambansang bayani.

May tinatawag din tayong lokal na bayani.

Tinatawag na lokal na bayani ang mga taong nasa ating bayan o baranggay.

Kilalang-kilala natin sila. Kababayan o kaya'y kabarangay natin sila.

Sa inyong baranggay, may kilala ka bang maituturing mong bayani?
Marahil may nagawa siyang kabutihan. Maaaring nagsakripisyo siya
para sa iba.


Marahil ay pinahalagahan niya ang kapakanan ng kapwa bago ang sarili.

Tunay na bayani nga siya.



Subukin Natin

A. Kilalanin ang mga bayani. Isulat sa inyong papel ang pangalan ng bawat isa.



B. Pag-ugnayin sa pamamagitan ng guhit ang mga bayani at lugar na kanilang pinagmulan.

1. Jose Rizal
2. Lapu-Lapu
3. Andres Bonifacio
4. Sultan Kudarat

- a. Mactan
- b. Tondo
- c. Cotabato
- d. Calamba, Laguna
- e. Cebu
- f. Pampanga

C. Pag-aralan at sagutan ang mga suliraning pambilang.

1. Ang Pilipinas ay naging malaya noong Hunyo 12, 1898.
Ilang taon na ngayon ang ating pagiging isang bayaning malaya?

2. Itinatag ni Andres Bonifacio ang Katipunan noong Hulyo 7, 1892.
Ilang taon na ngayon mula nang itatag ni Bonifacio ang Katipunan?

Aralin 2

Mga Huwarang Pilipino, Noon at Ngayon

Mayroong mga Pilipinong nakagawa ng pangalan sa iba't ibang larangan na kinilala hindi lamang dito sa ating bansa kung hindi maging sa ibang bahagi ng mundo man.



Pag-aralan Natin

Inay, totoo po ba na may maituturing pa tayong bayani sa panahon ngayon?




Aba, oo Anak. Maraming mga Pilipino ang nagpapakita ng husay sa iba't ibang larangan na pwedeng sabihing bayani.





Pag-usapan Natin

CLARO M. RECTO




Tinawag nila akong “Nationalist”.

Itinaguyod ko ang layuning makabayan.


Naniniwala akong ang kabuhayan ng ating
bansa ay di-dapat makontrol ng mga
dayuhan.

AURORA A. QUEZON



Ito
ang mga
nagawa ko noong ako'y
Unang Ginang ng bansa.

GERONIMA PECSON



“Kauna-unahang Senador na Babae”, ako ang **nagtaguyod ng edukasyon.**

Naghanap ako ng mga “scholarship” para sa mga matatalino
ngunit mahihirap na mga mag-aaral.

Itinaguyod ko rin ang libreng pag-aaral ng mga batang nasa elementarya.

NICANOR ABELARDO



Ako ay kilala bilang

Maestro ng Kundiman.

Ilan sa aking mga nilikha ay ang

“Mutya ng Pasig,”

“Nasaan Ka Irog” at iba pa.

MARIA YLAGAN OROSA




Tinawag nila akong **kemiko ng mga pagkain**.

Nagsaliksik at tumuklas ako ng mga paraan upang mapatagal
ang buhay ng mga prutas, gulay, isda, at karne.

Ito ay sa pamamagitan ng pagsasa-delata,
pagpapatuyo, at pag-iilado.

CORAZON C. AQUINO



Ako ang **kauna-unahang babaeng Pangulo ng Pilipinas.**

“Woman of the Year” noong 1987 na nailathala sa Time Magazine.

Salamat po sa inyong pakikiisa!

CECILIA MUÑOZ PALMA




Ako ang kauna-unahang babae
na naitalaga bilang

Kataas-taasang Hukom ng Pilipinas.

Sa aking panunungkulan, nagsumikap akong
maging makatarungan para sa lahat.

FRANCISCA R. AQUINO




Ano-ano ang ating mga katutubong sayaw?

Nasubukan mo na ba ang ilan sa mga ito?

Siguro nama'y kilala mo ako bilang

"Ina ng mga Katutubong Sayaw."

JOSEFA LLANES ESCODA



Itinatag ko ang **Samahan ng mga**
“Girl Scouts” sa Pilipinas. Gayundin ang
Pambansang Pederasyon ng mga
Samahan ng mga Kababaihan upang
maituro ang wastong pangangalaga sa
kanilang pamilya.

DR. FE DEL MUNDO



Nakilala ako bilang manggagamot
ng mga sanggol at bata.

Itinatag ko rin ang **Sentro ng Pagamutan**
para sa mga Bata.

BENIGNO S. AQUINO, SR.



Natatandaan mo pa ba ako?

Binaril ako sa tarmak ng paliparan ng

Maynila na naging dahilan ng

kamatayan ko.

Naging mitsa ito ng rebolusyon at

pagkakaisa ng mga Pilipino. Nagwakas

ang rehimeng Marcos.

GUILLERMO TOLENTINO



Ako ang naglilok ng monumento ni
Bonifacio.

Ano sa palagay mo ang ibig
ipahiwatig ng monumento ni
Bonifacio?



Alamin Natin

Kabilang din kami sa mga huwarang Pilipino.

1. Atang dela Rama	- isang artista sa tanghalan na nagpa-kilala ng kundiman sa ibang bansa
2. Eduardo Quisumbing	- tumuklas ng mga gamot at lunas mula sa iba't ibang halamang gamot
3. Lea Salonga	- tanyag sa pag-awit at pagganap sa mga teatro
4. Francisco Fronda	- Ama ng Agham sa Pagmamanukan
5. Gabriel "Flash" Elorde	- unang Pilipinong naging kampeon sa boksing
6. Eugene Torre	- unang Pilipinong naging kampeon sa "chess"
7. Ma. Paz Guezon	- nagpanukala ng mga batas sa karapatan ng kababaihan
8. Manny Pacquiao	- ang boksingero na nanalo sa unang walong (8) dibisyon ng boksing ng mundo.



Subukin Natin

Muling isulat ang mga pangungusap sa sagutang papel.

1. Ako ay Pilipino.

2. Ipagmalaki natin ang pagiging Pilipino.

3. Pag-ibig sa bayan, sipag at tiyaga ang kailangan natin.

4. Bawa't isa ay naghandog ng buhay at talino.

5. Mabuhay ang mga huwaran at dakilang Pilipino!



Tandaan Natin

Maraming Pilipino ang nagbigay ng mga karangalan sa ating bansa.

Ginamit nila ang kanilang talino sa pagtulong sa kapwa upang mapabuti ang buhay.

Sila ay karangalan ng ating lahi.

Ikaw, ako, sila, tayo, ay mayroong magagawa rin para sa kapwa at sa bansa.

Sinuman sa atin ay maaaring ipagmalaki bilang Pilipino.



Subukin Natin

A. Panuto: Isulat sa sagutang papel sino ang tinutukoy sa bawat bilang.

1. Maestro ng mga naglililok

2. Ama ng Konstitusyon


3. Nagpaunlad ng edukasyon

4. Unang babaeng Pangulo ng Pilipinas

5. Tapat at makatarungang hukom ng bansa



Ano-ano ang natutuhan mo?



Pahalang

- 2 Ama ng Katipunan
- 5 Bayani ng Cotabato
- 7 Ama ng agham sa pagmamanukan
- 11 Utak ng himagsikan
- 12 Ama ng Konstitusyon
- 13 Kauna-unahang babae na itinalaga bilang Kataas-taasang Hukom
- 14 Maestro ng Kundiman
- 15 Asawa ni Manuel L. Quezon

Pababa

- 1 Pambansang bayani
- 3 Unang babaeng pangulo ng Pilipinas
- 4 Tumuklas ng mga gamot at lunas mula sa halaman
- 6 Nagtatag ng Samahan ng Babaeng Iskawt sa Pilipinas
- 8 Patnugot ng La Solidaridad
- 9 Palayaw ni Benigno Aquino, Sr.
- 10 Pinuno ng Mactan